



**NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE BANKETSAAL, MALMESBURY OP WOENSDAG, 13 DESEMBER 2023 OM 10:00**

---

**TEENWOORDIG:**

Uitvoerende Burgemeester, rdh J H Cleophas (voorsitter)  
Uitvoerende Onderburgemeester, rdl J M de Beer

Lede van die Burgemeesterskomitee:

Rdl D G Bess  
Rdh T van Essen  
Rdl N Smit  
Rdl A K Warnick

Ander raadslede:

Speaker, rdh M A Rangasamy

Beampes:

Munisipale Bestuurder, mnr J J Scholtz  
Direkteur: Siviele Ingenieursdienste, mnr L D Zikmann  
Direkteur: Elektriese Ingenieursdienste, mnr T Möller  
Direkteur: Korporatiewe Dienste, me M S Terblanche  
Direkteur: Beskermingsdienste, mnr P A C Humphreys  
Senior Bestuurder: Ontwikkelingsbestuur, mnr A M Zaayman  
Senior: Bestuurder: Begrotingskantoor, me H Papier  
Bestuurder: Sekretariaat en Rekords, me N Brand

**1. OPENING**

Die Uitvoerende Burgemeester verwelkom almal teenwoordig en versoek die Uitvoerende Onderburgemeester om die vergadering met gebed te open.

**2. VERLOF TOT AFWESIGHEID**

Die komitee is voltallig.

**3. VOORLEGGINGS/AFVAARDIGINGS/SPREEKBEURTE**

Geen.

**4. NOTULES**

**4.1 NOTULE VAN 'N GEWONE UITVOERENDE BURGEMEESTERSKOMITEE-VERGADERING GEHOU OP 15 NOVEMBER 2023**

**BESLUIT**

(op voorstel van rdl N Smit, gesekondeer deur rdl D G Bess)

Dat die notule van 'n Gewone Uitvoerende Burgemeesterskomiteevergadering gehou op 15 November 2023 goedgekeur en deur die Burgemeester onderteken word.

**5. SAKE VOORTSPRUITEND UIT DIE NOTULES**

**5.1 ITEM 7.2: KONSEP WYKSKOMITEE: TOEKENNINGSBELEID (3/4/4/B)**

## **BESLUIT**

- (a) Dat die item terugverwys word in afwagting op verdere kommentaar/insette op die konsep Wykskomitee: Toekenningsbeleid;
- (b) Dat, vir die 2024/2025 finansiële jaar en met in ag neming van die doelstellings van die Wykskomitee Toekenningsbeleid, 'n verkorte proses in oorleg met die onderskeie wykskomitees gevolg word om projekte ingevolge paragraaf 6 te identifiseer, bv. om op 'n spesifieke tema per dorp of streek te fokus.

## **6. MAANDVERSLAG: OKTOBER 2023**

### **6.1 MUNISIPALE BESTUURDER (7/1/2/2-7)**

Rdh T van Essen noem dat die SDBIP wat uit die nuwe stelsel gegenereer word gebrekkig is, bv. geen tydskaal vir die voltooiing van projekte nie, en kan 'n doeltreffende oorsigrol nie vervul word met onvolledige inligting nie.

Die Munisipale Bestuurder noem dat daar 'n interaksie plaasgevind het met die diensverskaffer en onderskrywers van die program om die Munisipaliteit se behoeftes, gebaseer op die detail inligting van die vorige stelsel, deur te gee. Daar is onderneem om die nodige wysigings aan die program aan te bring teen einde Januarie 2024.

Die Munisipale Bestuurder noem verder dat daar tydens die laaste MinMay-vergadering voorgestel is om Swartland Munisipaliteit se opgedateerde SDBIP as voorbeeld in die Provinsie te gebruik om projekte te monitor, maar is daar nie sekerheid of die voorstel aanvaar sal word nie.

## **BESLUIT**

(op voorstel van rdh T van Essen, gesekondeer deur rdl J M de Beer)

Dat kennis geneem word van die inhoud van die maandverslag van die Kantoor van die Munisipale Bestuurder ten opsigte van Oktober 2023.

### **6.2 DIREKTORAAT: KORPORATIEWE DIENSTE (7/1/2/2-1)**

Die maandverslag van die Direkoraat: Korporatiewe Dienste word ter tafel gelê en –

## **BESLUIT**

(op voorstel van rdh T van Essen, gesekondeer deur rdl J M de Beer)

Dat kennis geneem word van die inhoud van die maandverslag van die Direkoraat: Korporatiewe Dienste ten opsigte van Oktober 2023.

### **6.3 DIREKTORAAT: FINANSIËLE DIENSTE (7/1/2/2-2)**

Die maandverslag van die Direkoraat: Finansiële Dienste word ter tafel gelê en verwys die Senior Bestuurder: Begrotingskantoor na die vordering met kapitaalspandering tot 13,7% en 'n bedrag van R49 miljoen reeds verbind aan kapitaalprojekte teen November 2023.

Die Munisipale Bestuurder sal toesien dat die korrekte rapportering van kapitaalspandering in die nuwe SDBIP-verslag vervat word.

## **BESLUIT**

(op voorstel van rdh T van Essen, gesekondeer deur rdl J M de Beer)

Dat kennis geneem word van die inhoud van die maandverslag van die Direkoraat: Finansiële Dienste ten opsigte van Oktober 2023.

### **6.4 DIREKTORAAT: SIVIELE INGENIEURSDIENSTE (7/1/2/2-4)**

Die Direkteur: Siviele Ingenieursdienste noem dat daar gereelde skakeling met die Departement van Waterwese is aangaande die skoonmaak van die kanale wat water na die Voëlvlendam voer. Die betrokke departement het onderneem om as 'n korttermyn

projek die kanale skoon te maak (ingesluit ontbossing) en as 'n langtermyn projek die herstel/opgradering van die kanale om die leeftyd van die infrastruktuur te verseker.

Die volgende aspekte word deur rdh T van Essen uitgewys, naamlik –

- (1) die styging in waterverbruik, veral in Malmesbury;
- (2) die verhoogde aantal rioolpomplings in Yzerfontein, met in ag neming dat die feesseisoen voorlê;
- (3) die sleepwa wat die laaigraaf moet vervoer om publieke oopruimtes skoon te maak is by drie geleenthede deur die verkeersafdeling as onpadwaardig verklaar, en dit nadat die sleepwa herstel was. Die dorpe raak vuil a.g.v. die toerusting wat nie aangewend kan word weens die nie-besikbaarheid van die laaigraaf nie;
- (4) die probleme wat met vodderapers by die Highlands Stortingsterrein ondervind word, onder andere die verwydering van materiaal ter waarde van R6000/dag;
- (5) die Departement: Ontwikkelingsbestuur word gekomplimenteer t.o.v. die toemaak van die twee skrootwerwe in Malmesbury wat, onder andere, as afsetpunte vir vodderapers dien.

Die Munisipale Bestuurder noem dat die proses om probleme met vodderapers aan te spreek drieledig is, naamlik –

- (1) tenders is uitgenooi vir die herstel van die heining rondom Highlands Stortingsterrein;
- (2) sodra die heining herstel is om gereelde patrollies deur wetstoepassingsbeamptes te laat doen om vodderapers op Highlands Stortingsterrein te verhoed;
- (3) laastens, om die patrollies op te volg met die sekuriteitsbeampte met die hond om gereelde sekuriteitsdienste te verseker.

#### **BESLUIT**

(op voorstel van rdh T van Essen, gesekondeer deur rdl J M de Beer)

Dat kennis geneem word van die inhoud van die maadverslag van die Direkoraat: Siviële Ingenieursdienste ten opsigte van Oktober 2023.

#### **6.5 DIREKTORAAT: ELEKTRIESE INGENIEURSDIENSTE (7/1/2/2-6)**

Die Direkteur: Elektriese Ingenieursdienste meld dat Eskom begin het met die *TID-roll-over* in Eskom-gebiede ( $\pm 500$  meters in die Swartland munisipale gebied) en dat daar baie probleme ondervind word – tot so 'n mate dat die gemeenskappe in opstand wil kom.

Daar is met Eskom gekommunikeer aangaande die ontevredenheid van kliënte om moontlike protesoptogte te voorkom en het Eskom onderneem om x10 kontrakteurs na die Swartland munisipale area te stuur om kliënte te ondersteun met die *TID-roll-over*-proses.

#### **BESLUIT**

(op voorstel van rdl D G Bess, gesekondeer deur rdl J M de Beer)

Dat kennis geneem word van die inhoud van die maadverslag van die Direkoraat: Elektriese Ingenieursdienste ten opsigte van Oktober 2023.

#### **6.6 DIREKTORAAT: ONTWIKKELINGSDIENSTE (7/1/2/2-5)**

Die maandverslag van die Direkoraat: Ontwikkelingsdienste word ter tafel gelê en die Senior Bestuurder: Ontwikkelingsbestuur hou enkele aspekte daaruit voor, onder andere –

- (1) die R500 000 RSEP-befondsing wat vanaf Provinsie ontvang is vir die vestiging van x4 doelgemaakte skeepvraghouers vir ekonomiese ontwikkeling;
- (2) aanvang van behuisingsprojekte in Malmesbury en Darling met kontrakteur wat vroeg in Januarie op terrein sal wees;
- (3) finalisering van die aanvullende waardasierol teen einde November 2023;

6.6/...

- (4) bekendmaking van die algemene waardasierol en beswaartydperk tot 18 Desember, maar weens die kort kennisgewing sal besware ontvang na die 18de Desember ook in ag geneem word.

'n Bespreking volg aangaande die algemene waardasies en noem die Munisipale Bestuurder dat die Waardeerders wat per tender aangestel is, vertroue ingeboesem het

tydens vooraf gesprekke met 'n groep inwoners van Yzerfontein. Die metodiek wat gevolg is om die algemene waardasies te bepaal is betroubaar en kon alle vrae met gesag beantwoord word.

#### **BESLUIT**

(op voorstel van rdh T van Essen, gesekondeer deur rdl J M de Beer)

Dat kennis geneem word van die inhoud van die maadverslag van die Direkoraat: Ontwikkelingsdienste ten opsigte van Oktober 2023.

### **6.7 DIREKTORAAT: BESKERMINGSDIENSTE (7/1/2/2-3)**

#### **6.7.1 PRESTASIEBESTUURVERSLAG**

#### **6.7.2 VERKEER- EN WETSTOEPASSINGDIENSTE**

#### **6.7.3 BRANDWEERDIENSTE**

Die maandverslae van die Direkoraat: Beskermingsdienste word ter tafel gelê en noem die Direkteur: Beskermingsdienste dat 'n verdere toekenning ten bedrae van R500 000 vanaf Provinsie ontvang is vir die installering van rookverklidders in informele woonegebiede en dat die toekenning in Januarie se aansuiweringsbegroting opgeneem sal word.

#### **BESLUIT**

(op voorstel van rdh T van Essen, gesekondeer deur rdl J M de Beer)

Dat kennis geneem word van die inhoud van die maadverslag van die Direkoraat: Beskermingsdienste ten opsigte van Oktober 2023.

## **7. NUWE SAKE**

### **7.1 WYSIGINGS AAN DIE 2023/2024 DIENSLEWERING- EN BEGROTING-IMPLEMENTERINGSPLAN (SDBIP) (2/4/2)**

Die Spesiale Aansuiwingbedryfsbegroting soos goedgekeur deur die Raad in Oktober 2023 noodsaak wysigings aan die 2023/2024 Dienslewering- en Begrotingimplementeringsplan.

#### **BESLUIT**

(op voorstel van rdl D G Bess, gesekondeer deur rdl A K Warnick)

Dat die gewysigde Dienslewering- en Begrotingsimplementeringsplan (SDBIP) vir die 2023/2024 finansiële jaar in terme van Artikel 54(1)(c) van die Wet op Munisipale Finansiële Bestuur (Wet 56 van 2003) goedgekeur word.

### **7.2 VERVROEGDE AFLOS VAN LENING (5/14/3/5)**

Dit is die voorneme van die Raad om nuwe lenings op te neem vir die uitvoering van kapitaalprojekte in die medium termyn. Rentekoerse is tans gunstiger as met die opneem van die vorige lening by die Ontwikkelingsbank van Suid-Afrika (DBSA) waar die prima rentekoers ±14% was in vergelyking met die huidige prima rentekoers van 11.25%, met die moontlikheid dat die rentekoerse nog kan daal.

#### **BESLUIT**

(op voorstel van rdl N Smit, gesekondeer deur rdl A K Warnick)

(a)/...

7.2/...

- (a) Dat goedkeuring verleen word vir die vervroegde aflos van die DBSA-lening van R42 905 441,21 en wel om die volgende redes:
- (i) Met die opneem van die lening was die rentekoers nie gunstig nie;
  - (ii) Verbetering van Swartland Munisipaliteit se leningskapasiteit op die vooraand van opneem van lening vir kapitaalprojekte teen 'n gunstiger rentekoers.

### **7.3 HERSIENING VAN DIE ONDERNEMINGRISIKOBESTUURSBELEID (5/15/1/6)**

Die beleid het ten doel om 'n proses te vestig waardeur risiko's geïdentifiseer kan word wat 'n bedreiging inhou vir volhoubare dienslewering en die bereiking van die Munisipaliteit se doelwitte. Die proses behels verder die mitigering van die geïdentifiseerde risiko's om die bestuur van die Munisipaliteit te optimaliseer.

Die gewysigde Ondernemingsrisikobestuursbeleid is met die sakelys gesirkuleer vir oorweging en goedkeuring.

#### **BESLUIT**

(op voorstel van rdl J M de Beer, gesekondeer deur rdl A K Warnick)

- (a) Dat die hersiende Ondernemingsrisikobestuursbeleid goedgekeur word vir onmiddellike implementering omrede dit 'n verskeidenheid van voordele vir die Munisipaliteit inhou, byvoorbeeld:
  - (i) meer doeltreffende, betroubare en koste effektiewe dienslewering;
  - (ii) meer betroubare besluitneming;
  - (iii) minder verrassings en krisisse deur bestuur in staat te stel om effektief te handel met potensiële opkomende risiko's wat onsekerheid kan skep; en
  - (iv) beter uitsette en uitkomst deur die verbetering in die bestuur van projekte en programme;
- (b) Dat die "Risk Appetite"-vlak van 15 – "Impact x Likelihood" = 15 (5x3) & (3x5) aanvaar word;
- (c) Dat die "Risk Tolerance"-vlakke van 16 (4x4) en hoër nie aanvaarbaar is nie en moet bestuur word.

#### **7.4 KONSEP GEKOMBINEERDE GERUSSTELLINGSBELEID (5/15/1/1)**

Die doel van hierdie raamwerk is om 'n minimum riglyn vir die Munisipaliteit daar te stel om die implementering van 'n gekombineerde sekerheidsmodel moontlik te maak om die Prestasie- en Risiko-ouditkomitee te help om gerusstelling te verskaf.

#### **BESLUIT**

(op voorstel van rdl A K Warnick, gesekondeer deur rdl D G Bess)

Dat die Gekombineerde Gerusstellingsbeleid goedgekeur word.

#### **7.5 HERSIENING VAN DIE BEDROGVOORKOMING- EN TEEN-KORRUPSIE STRATEGIE (5/15/1/6)**

Swartland Munisipaliteit is deur die organisasie se etiese waardes daartoe verbind om besigheid op 'n eerlike en deursigtige wyse te doen en dit vorm die grondslag van die Bedrog Voorkoming en Teen-Korrupsie Strategie.

Die strategie spreek die opsporing, voorkoming en bekamping van bedrog en korrupsie aan ten einde dit teen te werk.

#### **BESLUIT**

(op voorstel van rdl J M de Beer, gesekondeer deur rdl A K Warnick)

Dat die gewysigde Bedrogvoorkoming- en Teen-Korrupsiestrategie met onmiddellike effek goedgekeur word.

#### **7.6 NOTULE VAN DIE MUNISIPALE PRESTASIE-, RISIKO- EN OUDITKOMITEEVERGADERINGS GEHOU OP 22 AUGUSTUS 2023 EN 29 AUGUSTUS 2023 (5/15/1/3)**

Die Ouditkomitee dien as 'n volwaardige onafhanklike komitee van die Raad en vervul sy funksie ingevolge die bepalings van artikel 166 van die Plaaslike Regering: Munisipale Finansiële Bestuurswet, Nr 56 van 2003.

Die notules van die Munisipale Prestasie-, Risiko- en Ouditkomiteevergadering onderskeidelik gehou op 22 Augustus en 29 Augustus 2023 is met die sakelys gesirkuleer en bevat geen aanbevelings aan die Uitvoerende Burgemeesterskomitee

vir oorweging nie.

**BESLUIT** dat kennis geneem word van die notules van die Munisipale Prestasie, Risiko en Ouditkomiteevergadering onderskeidelik gehou op 22 en 29 Augustus 2023.

**7.7 AANBEVELING VIR DIE GOEDKEURING VAN DIE ORGANISATORIESE STRUKTUUR, MET IN AG NEMING VAN WYSIGINGS AAN FINANSIES, BESKERMINGSDIENSTE EN DIE KANTOOR VAN DIE MUNISIPALE BESTUURDER (4/1/1/2/1)**

Artikel 66 van die Munisipale Stelsels Wysigingswet, 2011 bepaal dat die organisatoriese struktuur deur die Munisipale Bestuurder goedgekeur moet word.

Die voorgestelde wysigings aan die struktuur van die Kantoor van die Munisipale Bestuurder, die Direkoraat: Finansiële Dienste en die Direkoraat: Beskermingsdienste, soos breedvoerig toegelig in die verslag, is aan die vakbonde voorgelê.

**BESLUIT**

(op voorstel van rdl A K Warnick, gesekondeer deur rdl N Smit)

- (a) Dat die Uitvoerende Burgemeesterskomitee kennis neem dat die wysigings aanbeveel is deur die Plaaslike Arbeidsforumvergadering gehou op 23 November 2023;
- (b) Dat die Uitvoerende Burgemeesterskomitee die wysigings aan die organisatoriese struktuur aanbeveel vir goedkeuring deur die Raad vir implementering met ingang van 1 November 2023 en 1 April 2024 onderskeidelik.

**7.8 TENDER L01/23/24: VERKOOP VAN ONGEREGISTREERDE ERF 12857, MALMESBURY (8/2/2/4)**

Die Munisipale Raad het in beginsel goedkeuring verleen ingevolge Artikel 14 van die Wet op Munisipale Finansiële Bestuur, 2003 en die Verordening en Beleid met betrekking tot die Oordrag van Munisipale Bate "dat ongeregistreerde Erf 12875, Malmesbury (1001 m<sup>2</sup> groot) aangebied word vir vervreemding deur middel van 'n openbare mededingende proses (wat 'n tweefase-bodproses kan insluit) vir vervreemding aan instansies met bewese ervaring in Vroeë Kinderontwikkeling".

'n Gesubsidieerde reserweprys van R16 000 (BTW uitgesluit) is deur die Raad bepaal.

Die voorgestelde vervreemding is in die media geadverteer en nie kommentaar en/of besware rakende die voorgestelde verkoop van Erf 12857 is ontvang nie.

Tenders is uitgenooi deur middel van 'n tweefase-bodproses vir Koevert 1 om die Ontwikkelings-/Besigheidsvoorstel vir die eiendom te bevat en Koevert 2 om die geldelike aanbod te bevat. Die beoordeling van die tender is oorweeg tydens 'n Bodbeoordelingskomiteevergadering gehou op 29 November 2023.

**BESLUIT**

(op voorstel van rdh T van Essen, gesekondeer deur rdl J M de Beer)

- (a) Dat kennis geneem word van die prosesse wat gevolg is vir Tender L01/23/24 (Verkoop van Ongeregistreerde Erf 12875 Malmesbury) om toegeken te word aan die Maranatha Trust ten bedrae van R90 000.00 BTW uitgesluit;
- (b) Dat die oordrag van die bate (onderwerp eiendom) aan die Maranatha Trust goedgekeur word, en die Verkoop-ooreenkoms onderteken word deur die Direkteur: Korporatiewe Dienste.

7.8/...

**7.9 EERSTE WYSIGING VAN DIE 2023/2024 GEDETAILLEERDE PROJEK-IMPLEMENTERINGSPLAN (5/9/2/6/1)**

Die Direkteur: Siviele Ingenieursdienste bevestig dat die Departement van Samewerkende Regering en Tradisionele Sake die nasionale MIG-toekenning besnoei het wat 'n vermindering van R1 653 000 vir Swartland Munisipaliteit te weeg gebring het. Gevolglik moet die projekimplementeringsplan dienoreenkomstig gewysig word.

## BESLUIT

(op voorstel van rdh T van Essen, gesekondeer deur rdl A K Warnick)

- (a) Dat kennis geneem word dat die 2023/2024 MIG-allokasie aan Swartland Munisipaliteit met 'n bedrag van R1 653 000 vanaf R24 708 000 na R23 055 00 verminder het;
- (b) Dat, ten einde die MIG-projekte suksesvol te implementeer daar 'n herallokering van fondse tussen die geregistreerde MIG-projekte gedoen moet word, en dat die 2023/2024 MIG-projekimplementeringsplan dienoreenkomstig gewysig word;
- (c) Dat die volgende projekte en begrotings vir die eerste gewysigde MIG-projekimplementeringsplan vir die 2023/2024 finansiële jaar goedgekeur word:

<b>Nr</b>	<b>Project</b>	<b>MIG Ref.</b>	<b>Budget</b>
1	Construction of Roads: Chatsworth	WC1862/R.ST/22/25	R 6 877 847
2	Construction of Roads Phase 2: Kalbaskraal	WC/1913/R.ST/22/25	R 2 500 000
3	Construction of Roads Phase 2: Abbotsdale	WC/1912/R.ST/22/25	R 1 900 000
4	Construction of Roads Phase 2: Chatsworth	WC1765/R.ST/19/23	R 2 900 659
5	Upgrade of Sportsfield: Illinge Lethu	WC/1914/R.ST/23/25	R 8 876 494
		<b>TOTAL</b>	<b>R 23 055 000</b>

- (d) Dat die gewysigde MIG-projekimplementeringsplan aan die Departement van Samewerkende Regering en Tradisionele Sake beskikbaar gestel word.

### 7.10 UITSTAANDE DEBITEURE: OKTOBER 2023 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

**BESLUIT** dat kennis geneem word van die verslag aangaande die stand van Swartland Munisipaliteit se uitstaande debiteure vir Oktober 2023.

### 7.11 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

**BESLUIT** dat kennis geneem word van die stand van uitstaande versekeringseise tot en met 30 November 2023 soos met die sakelys gesirkuleer.

### 7.12 AFWYKING VAN VOORGESKREWE VERKRYGINGPROSEDURES: HERSTEL VAN CASE 580T DIGGER/LOADER, CK 43210 (8/1/B/2)

Die masjien het op 21 November 2023 onklaar geraak tydens grondverskuiwings om toegang tot die 11 kV-lyn tussen die Eskom-substasie en munisipale-substasie in Moorreesburg te verkry.

7.12/...

Die masjien is deur Hennie van Zyl Magnies BK in Moorreesburg opgelaaai om 'n assessering van die skade te doen.

## BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge klousule 36(2) van die Voorsiening-kanaalbestuurbeleid;
- (b) Dat verder kennis geneem word van die aksies van die Munisipale Bestuurder om die herstelwerk aan die Digger Loader, CK 43210, ten bedrae van R71 047 (BTW uitgesluit) deur Hennie van Zyl Meganies BK goed te keur;

- (c) Dat die redes vir die afwyking van die voorgeskrewe verkrygingsproses soos volg aangeteken word:
  - (i) Die masjien het onklaar geraak gedurende grondverskuiwings om toegang tot die 11 kV-netwerk in Moorreesburg te verkry;
  - (ii) Om 'n kwotasie te kon lewer, het die diensverskaffer die masjien self verwyder en na werkwinkel geneem om 'n assessering van die skade te doen;
  - (iii) Dit sou onprakties en onredelik wees om die normale verkrygingsprosedures te volg in hierdie geval;
- (d) Dat die uitgawe ten bedrae van R71 047,00 (BTW uitgesluit) teen posnommer 9/7-25-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**7.12 AFWYKING VAN VOORGESKREWE VERKRYGINGPROSEDURES: HERSTEL VAN VULLISVERWYDERINGSVRAGMOTOR, CK 44823 (8/1/B/2)**

Die vullisverwyderingsvragmotor, CK 44823, word in Yzerfontein gebruik vir die betrokke diens. Die vragmotor het probleme ondervind om die vullis te kompakteer en is Transtech, die agent van Heil 5000 kompakteerders, genader om 'n assessering te doen.

**BESLUIT**

- (a) Dat kennis geneem word van die afwyking van die voorgeskrewe verkrygingsprosedures ingevolge klousule 36(2) van die Voorsieningkanaalbestuursbeleid;
- (b) Dat verder kennis geneem word van die aksie van die Munisipale Bestuurder om die herstelwerk aan die vullisverwyderingsvragmotor, CK 44823 vir die bedrag van R153 810.93 (BTW uitgesluit) deur Transtech goed te keur;
- (c) Dat die rede vir die afwyking van die voorgeskrewe verkrygingsproses soos volg aangeteken word:
  - (i) Die vragmotor sou vir 'n geruime tyd buite werking gelaat word;
  - (ii) Dit sou lei tot 'n ineenstorting in die kapasiteit van die vaste afval-verwyderingsdienste en risiko's vir openbare gesondheid inhou;
  - (iii) Die herstelwerk aan die vragmotor was dus as 'n noodgeval hanteer;
- (b) Dat die uitgawe ten bedrae van R153 810.93 (BTW uitgesluit) teen posnommer 9/4-60-5 verreken word en dat daar voldoende fondse beskikbaar is;
- (c) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

**(GET) J H CLEOPHAS  
UITVOERENDE BURGEMEESTER**